



MEMORIA ECONÓMICA E XUSTIFICATIVA PARA A SUSCRICIÓN DUN CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E ASOCIACIÓN PARA A DIXITALIZACIÓN DA INDUSTRIA DE GALICIA (DIHGIGAL), PARA DAR CONTINUIDADE AO FINANCIAMENTO DOS CUSTOS DE XESTIÓN E COORDINACIÓN DO HUB DE INNOVACIÓN DIXITAL DIHGIGAL.

Primeiro.- Antecedentes

O Instituto Galego de Promoción Económica (IGAPE) e a Asociación para a Dixitalización da Industria de Galicia (DIHGIGAL), teñen interese en xuntar esforzos e poñer en común as súas sinerxías e experiencia en prol da innovación, modernización e transformación tecnolóxica que deberán constituír un inestimable incentivo ao crecemento económico da Comunidade Autónoma de Galicia.

IGAPE é o ente de dereito público, adscrito á Consellería de Economía e Industria, para o desenvolvemento económico de Galicia. A misión do IGAPE é a de apoiar todas as actividades que contribúan a mellorar o sistema produtivo galego, facilitando os procesos de creación, consolidación e crecemento empresarial.

Que DIHGIGAL, constituído o 28/11/2019, é unha asociación sen ánimo de lucro con personalidade xurídica propia e con plena capacidade de obrar que ten como obxectivo fundamental reforzar o ecosistema rexional industrial e de innovación tecnolóxica fomentando a colaboración e o aproveitamento de sinerxías no proceso de transformación dixital das empresas así como promover unha visión estratéxica industrial a longo prazo orienta á mellora competitiva e o desenvolvemento sostible impulsando a innovación disruptiva e aberta para alcanzar a devandita dixitalización.

Segundo.- Necesidade, oportunidade e obxectivos perseguidos polo convenio

A Xunta de Galicia aposta polo emprendemento e a innovación como vía para mellorar a calidade de vida dos cidadáns de Galicia, como panca de eficiencia e de calidade da xestión autonómica, e como polo de xeración e atracción de actividades de alto valor engadido.

A Xunta de Galicia definiu a Estratexia de Especialización Intelixente de Galicia (RIS3 Galicia). Esta estratexia para a investigación e innovación en Galicia para o período 2021-2027 baséase no concepto de Especialización Intelixente. Este concepto refírese á necesidade de concentrar dun modo eficiente os recursos dispoñibles para a xeración e explotación do coñecemento no contexto rexional, ao servizo dun número concreto de prioridades vinculadas ás fortalezas e vantaxes competitivas da rexión.

A visión definida polo RIS3 Galicia concretouse en 3 RETOS; *modelo de xestión de recursos naturais e culturais baseados na innovación, modelo industrial baseado na competitividade e no coñecemento e modelo de vida saudable baseado no envellecemento activo da poboación*, e para abordalos definíronse as seguintes 3 PRIORIDADES; *sostibilidade, dixitalización e enfoque cara ás persoas*.

Establécense ademais como ámbitos de priorización; *desenvolvemento de competencias dixitais e educación dixital, fabricación avanzada e intelixente, redes intelixentes e flexibilidade e almacenamento enerxético*.



A Lei 9/2013, do 19 de decembro de 2013, de emprendemento e competitividade económica en Galicia, ten por obxecto, de acordo co establecido no seu artigo 1, a definición dun marco normativo específico na Comunidade Autónoma de Galicia que incentive a creación e implantación de empresas e o seu posterior desenvolvemento, a través da xeración de cultura emprendedora, a formación, a flexibilización dos trámites administrativos, a ampliación dos prazos de validez dos permisos e a introdución de instrumentos financeiros, servizos específicos ás persoas emprendedoras e incentivos fiscais.

A Lei 5/2013, do 30 de maio, de fomento da investigación e a innovación en Galicia, dispón no seu artigo 2 que a mesma ten como obxectivo coordinar e potenciar os esforzos destinados a promover o coñecemento científico, contribuír eficazmente á consolidación da posición das empresas e institucións galegas no ámbito competitivo europeo e internacional, e posibilitar un cambio no modelo produtivo galego cara a outro centrado na innovación.

Terceiro.- Xustificación da utilización da figura do convenio

Segundo o establecido no artigo 47 da Lei 40/2015, do 1 de outubro, do Réxime Xurídico de Sector Público pódense celebrar convenios entre a Administración Pública e suxeitos de dereito privado sempre que se persiga un fin común. Ademais, no artigo 48 desa mesma lei, establécese que os convenios deberán, entre outras cousas, facilitar a utilizacións conxunta de medios e servizos públicos e contribuír á realización de actividades de utilidade pública.

Neste sentido, e tomando en consideración os antecedentes, necesidades e oportunidades anteriormente descritos, ponse de manifesto a vantaxe da utilización dun convenio entre as partes que facilite a utilización dos espazos, servizos e medios dos que dispón a Xunta de Galicia por parte das entidades que pasen a formar parte do devandito convenio.

Coa posta a disposición destes medios públicos, preténdese o obxectivo de implantar, afianzar e impulsar a modernización e transformación dixital do tecido empresarial galego, e dun xeito particular, de aquelas empresas vinculadas a sectores manufactureiros.

Cuarto.- Obxecto e contido

O convenio pretende sentar as bases de colaboración entre as partes para o financiamento de parte dos custos de xestión e coordinación do HUB de innovación dixital, DIHGIGAL, o cal será o beneficiario da subvención. Por tanto, este convenio pretende dar continuidade ás accións apoiadas dende a Xunta de Galicia que fixeron posible a constitución e posta en marcha do HUB DIHGIGAL, recoñecido como estratéxico.

Co propósito de que DIHGIGAL sexa un hub referente na Unión Europea en canto á facilidade de acceso ás tecnoloxías máis punteiras e para consolidar un ecosistema de innovación transversal, DIHGIGAL achega, entre outros, os seguintes recursos;

- a) Recursos humanos e económico-financeiros.
- b) Infraestruturas físicas adecuadas para as accións a desenvolver.



- c) Equipamento tecnolóxico e medios e servizos técnicos especializados para a realización de probas, análises e validación para o desenvolvemento dos produtos.
- d) Recursos de coñecemento.
- e) Servizos de asesoramento e apoio en materia de negocio, administración de empresas, financiamento, e comercialización entre outros.
- f) Xeración de networking.

Os obxectivos levaranse a cabo tendo en conta o seguinte plan de traballo estimado;

1. Captación de fondos para desenvolver proxectos en materia de transformación.
2. Impulso, coordinación e xestión do espazo de datos industrial de Galicia que se desenvolverá no marco do programa RETECH.
3. Dataton DIHGIGAL.
4. Foro Anual Retos Industria.
5. IV Encontro de EDIH Nacionais.
6. Mesa de Transición Verde da Industria.
7. Marketplace de conexión oferta e demanda tecnolóxica.

Este plan de traballo poderá ser modificado se as actividades non resultan eficaces ou eficientes a xuízo da comisión de seguimento segundo o establecido no propio convenio.

Quinto.- Financiamento

Para o funcionamento de DIHGIGAL habilítase o seguinte instrumento para o financiamento da entidade, acadando un orzamento de 525.000€, financiando o Igape a operativa do DIHGIGAL, con cargo a partida orzamentaria 09.A1.-561A-7810 dos seus orzamentos.

DISTRIBUCIÓN POR CONCEPTOS DE GASTO (€)				
	2025	2026	2027	TOTAL
Persoal	80.000	80.000	80.000	240.000
Gastos Xerais	17.000	17.000	17.000	51.000
Equipamento/Material	3.000	3.000	3.000	9.000
Funxible	-	-	-	0
Subcontratación	-	-	-	0
Servicios técnicos externos	75.000	75.000	75.000	225.000
TOTAL	175.000	175.000	175.000	525.000



DIHGIGAL asignará medios e recursos internos e externos para o desenvolvemento do programa. A cofinanciación anual responderá as seguintes distribucións aproximadas;

	Custos Dihgigal estimados año	Custos subvencionados convenio Igape	% cofinanciamento Igape	% cofinanciamento outras vías públicas y privadas
Costes de persoal	300.000,00 €	80.000,00 €	27%	73%
Servicios a empresas	500.000,00 €	0,00 €	0%	100%
Outras actuacións e estrutura	100.000,00 €	95.000,00 €	95%	5%
	900.000,00 €	175.000,00 €	19%	81%

Sexto.- Gastos e concepto subvencionables

Os conceptos subvencionables no marco deste convenio son os que se relacionan a continuación:

1. Custos de **persoal** na parte que corresponda ao tempo dedicado ao desenvolvemento das actividades do convenio. Dentro dos custos de persoal poderá incluírse persoal de nova contratación para a realización das actividades previstas no convenio.
2. **Equipamento e material** de nova adquisición. As licenzas e renovacións de licenzas de software atópanse dentro da categoría de material inventariable e considéranse gastos subvencionables se son de uso específico para as actividades previstas no convenio.
3. **Material funxible**. Poderanse imputar os gastos de materiais funxibles empregados directamente na execución das actividades obxecto do convenio. Os gastos de material de oficina e consumibles informáticos non se financiarán neste concepto por ter a consideración de gastos xerais.
4. **Subcontratacións**, realizadas polo beneficiario con organismos de investigación, entidades ou empresas, precisas para o desenvolvemento das actividades cando as actuacións contratadas a terceiros supoñan a execución total ou parcial da actividade que constitúe o obxecto do mesmo.
5. **Servizos técnicos externos** necesarios para a realización das actividades previstas no convenio. Consideraranse servizos técnicos externos aquelas actividades prestadas por terceiros de forma puntual, tales como: estudos e actividades complementarias, consultorías, asistencia técnica e servizos equivalentes.
6. **Gastos xerais** considerados como tales aqueles gastos que pola súa natureza non se poden imputar de forma directa por non poder individualizarse. Estes gastos deberán ser imputados na parte que razoablemente corresponda, ata un máximo do 20% do custo da partida de persoal, de acordo cos principios e



normas de contabilidade xeralmente admitidas e, en todo caso, na medida na que tales custos correspondan ao período no que efectivamente se realicen as actividades.

En ningún caso consideraranse gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Sétimo. - Xustificación e pagamento

Para o pago de cada anualidade da cantidade prevista na cláusula terceira do Convenio, relativa á compensación de parte dos gastos operativos de DIHGIGAL, este deberá presentar a seguinte documentación:

- Solicitud de pago.
- As solicitudes de pago acompañaranse de;
 - Memoria técnica xustificativa de cumprimento das condicións establecidas no convenio, con indicación das actividades realizadas e dos resultados obtidos.
 - Memoria económica xustificativa do custo das actividades, segundo o establecido no propio Convenio na súa cláusula sexta.

Os prazos de realización de gastos e pagamentos así como de xustificación dos mesmos ante o IGAPE, responderá aos prazos establecidos na seguinte táboa;

Anualidade	2025	2026	2027
Axuda	175.000€	175.000€	175.000€
Período de realización gastos e pagos	Desde 01/01/2025 30/11/2025	01/12/2025 ata 30/11/2026	01/12/2026 ata 30/11/2027
Data límite presentación documentación xustificativa	05/12/2025	05/12/2026	05/12/2027

E para que conste, asíase esta memoria, en Santiago de Compostela.

Isaac M. Rosón Sánchez-Brunete

Director de Área de Innovación Empresarial.



ANEXO I

MODELO CADRO ORZAMENTO DESAGREGADO POR ACTIVIDADES E TIPOLOXÍA DE GASTO

1.1 CADRO XERAL

Costes subvencionados a través del convenio

DISTRIBUCIÓN POR CONCEPTOS DE GASTO (€)				
	2025	2026	2027	TOTAL
Persoal	80.000,00 €	80.000,00 €	80.000,00 €	240.000,00 €
Gastos Xerais	17.000,00 €	17.000,00 €	17.000,00 €	51.000,00 €
Equipamento/Material	3.000,00 €	3.000,00 €	3.000,00 €	9.000,00 €
Funxible	-	-	-	0,00 €
Subcontratación	-	-	-	0,00 €
Servizos técnicos externos	75.000,00 €	75.000,00 €	75.000,00 €	225.000,00 €
TOTAL	175.000,00 €	175.000,00 €	175.000,00 €	525.000,00 €

Estructura de costes anual estimada DIHGIGAL y % de cofinanciación

	Costes Dihgigal estimados año	Costes subvencionados convenio IGAPE	% cofinanciación Ilgape	% cofinanciación outras vías públicas y privadas
Costes de persoal	300.000 €	80.000,00 €	27%	73%
Servizos a empresas	500.000 €	0,00 €	0%	100%
Outras actuacións e estrutura	100.000 €	95.000,00 €	95%	5%
	900.000 €	175.000,00 €	19%	81%



ANEXO II

MODELO CADRO ORZAMENTO DESAGREGADO POR TIPOLOXÍA DE GASTO PARA GASTOS RECORRENTES

Tipoloxía Actuación	Tipoloxía de gasto / gastos subvencionables	Importe convenio actual (25-27)	Importe convenio anterior (22-24)	Execución	Variación (Termos absolutos)	Variación (Termos %)	Motivación (Variación de custos/novas necesidades)
DIHGIGAL	Persoal	240.000,00 €	155.500,00 €	100%	84500,00	54,34%	No convenio inicial, anualidades 2022 e 2023, apoiábase ao DIHGIGAL cunha cantidade anual de 150.000€. No 2024 realizase addenda por 75.000€, o cal demostrouse insuficiente para satisfacer as necesidades do HUB para o correcto desenvolvemento do plan de traballo establecido no convenio. Por este motivo a proposta pretende recuperar o apoio inicial previsto aos DIH galegos con selo de excelencia europea, de xeito que permita garantir a continuidade dos seus servizos, que finalmente redundarán na competitividade do tecido empresarial.
	Gastos Xerais	51.000,00 €	31.100,00 €	100%	19900,00	63,99%	
	Equipamento/Material	9.000,00 €	6.000,00 €	100%	3000,00	50,00%	
	Funxible						
	Subcontratación						
	Servicios técnicos externos	225.000,00 €	182.400,00 €	100%	42600,00	23,36%	



ANEXO IV
MODELO CADRO DE FITOS E OBXECTIVOS

Plan estratéxico	Actividade	Indicador	Fito
RIS3 Galicia 21-27	Prioridade 1; sostibilidade. Prioridade 2; dixitalización	<i>Segundo táboa adxunta seguinte páxina</i>	<i>Segundo táboa adxunta seguinte páxina</i>



Actividade	Indicador	Período	Unidade	Valor obxectivo
Actividades europeas	Colaboracións en redes europeas	por ano	nº	4
ESPAZO DATOS	Segundo convenio específico			
Comunicación	Difusión online de actividades	por ano	nº	100
	Apoio ás actividades de comunicación institucional	por ano	nº	5
	Reunións de networking a nivel estatal	por ano	nº	5
	Reunións de networking a nivel europeo	por ano	nº	5
Promoción de actividades de innovación	Organización de comisións e grupos de traballo	por ano	nº	10
	Apoio a consorcios e/ou empresas en proxectos de dixitalización	por ano	nº	50
	Colaboración con incubadoras /aceleradoras	por ano	nº	3
	Catálogo de solucións tecnolóxicas (n.º de provedores incluídos)	por ano	nº	50
Apoio á busca de financiamento	Participación de propostas con participación de DIHGIGAL ou dos seus clúster membros	por ano	nº	10
	Asesoramentos individuais sobre oportunidades de financiamento nacional	por ano	nº	10
	Asesoramentos individuais sobre oportunidades de financiamento europeos	por ano	nº	3
	Asesoramentos colectivos sobre oportunidades de financiamento nacional	por ano	nº	3
	Asesoramentos colectivos sobre oportunidades de financiamento europeos	por ano	nº	1